



**J.P. MEĐUNARODNI AERODROM "SARAJEVO" D.O.O.**

Kurta Schorka 36, 71210 Sarajevo, Bosna i Hercegovina

Registrovano kod: Općinski sud Sarajevo, MBS 65-01-0419-11; JIB 420068970001; Carinski broj 200068970001  
RAČUN: 3387302205238447, UniCredit banka d.d. Mostar, BiH

Vrsta dok.	Izdavač	RB
<b>DOP</b>	<b>5 01</b>	<b>882</b>

Strana:  
1 od 1

Broj protokola: *05-1-25-1-4359-17/22*

JAVNO

**DATUM:** 15.07.2022. godine

**PRIMALAC:** DEMUS d.o.o. Sarajevo

**PREDMET:** Obavijest za nabavku radova:  
Sanacija asfaltnog zastora (sukcesivno, na period od 1 godine)

**VEZA:** 4359/22

Poštovani,

na osnovu člana 71. Zakona o javnim nabavkama ("Službeni glasnik BiH", broj 39/14), obavještavamo vas da je, nakon okončane procedure pribavljanja ponuda za nabavku radova: Sanacija asfaltnog zastora (sukcesivno, na period od 1 godine), provedene metodom nabavke Konkurentski zahtjev, vaša ponuda za predmetnu nabavku, na prijedlog Komisije za provođenje predmetnog postupka nabavke, prihvaćena.

S poštovanjem,

DIREKTOR  
*Alan Bajić*

Prilog: Odluka o prihvatanju ponude;

**DOSTAVLJENO:**

1. Naslovu
2. Upravi Društva
3. Sektoru za administrativnu podršku
4. a/a

DOP UP 01-3 01 01 Dopis, 2.Izdavanje/Rev 3



	Tel:	Fax:	E-mail:
INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 841	opo@sarajevo-airport.ba
FINANSIJE	+387/ 33/ 289 162	+387/ 33/ 289 234	
KOMERCIJALA	+387/ 33/ 289 177	+387/ 33/ 289 154	comdept@sarajevo-airport.ba
WEB	www.sarajevo-airport.ba		

*Q. I*

*Alan Bajić*



<b>UPRAVA</b>	Strana: 1 od 2
Broj protokola: 05-1-25-1-4359-16/22	JAVNO

Datum: 15.07.2022. god.

Na osnovu člana 70. Zakona o javnim nabavkama („Službeni glasnik BiH“, broj 39/14), a u vezi sa članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo i člana 45. Statuta J.P. Međunarodni aerodrom "SARAJEVO" d.o.o. Sarajevo, te Izvještaja i preporuke komisije za provođenje postupka javne nabavke radova: Sanacija asfaltnog zastora (sukcesivno, na period od 1 godine), broj: 05-3-25-1-4359-15/22, Uprava J.P. Međunarodni aerodrom "SARAJEVO" d.o.o. Sarajevo, na 61. (elektronskoj) sjednici, održanoj dana 15.07.2022. god., donosi

## ODLUKU

### I

Za nabavku radova: Sanacija asfaltnog zastora (sukcesivno, na period od 1 godine), prihvata se ponuda ponuđača DEMUS d.o.o. Sarajevo, broj 121-VII/22, zavedena na protokol Naručioca pod brojem: 06-2-25-1-4359-7/22 od 12.07.2022.god., u iznosu od: 25.994,00 KM (dvadesetpethiljadadevetstodevedesetčetiri KM), bez PDV-a.

### II

Po proteku rokova za reviziju Naručilac će pozvati izabranog ponuđača radi zaključivanja ugovora o nabavci radova iz tačke I ove Odluke, kojim će se regulisati međusobna prava i obaveze ugovornih strana.

## O b r a z l o ž e n j e

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku radova: Sanacija asfaltnog zastora (sukcesivno, na period od 1 godine), direktor J.P. Međunarodni aerodrom "SARAJEVO" d.o.o. Sarajevo (u daljem tekstu: Društvo) donio je Odluku o pokretanju postupka nabavke, broj: 05-1-25-1-4359-3/22 od 29.06.2022. god., a Rješenjem broj: 05-1-25-1-4359-5/22 od 04.07.2022. god., imenovao Komisiju za provođenje postupka.

U skladu sa naprijed navedenom Odlukom, Naručilac je objavio obavještenje o nabavci na portalu javnih nabavki, broj obavještenja: 246-7-3-432-3-98/22. Do ostavljenog roka za predaju ponuda, 12.07.2022. god., do 12,00 sati, na adresu Naručioca, ponudu je dostavio samo jedan ponuđač, i to DEMUS d.o.o. Sarajevo.

Na javnom otvaranju ponuda, koje je održano isti dan u 12,30 sati, bez prisustva predstavnika ponuđača, pročitan je naziv ponuđača i ponuđena cijena.

Nakon javnog otvaranja ponuda, Komisija se sastala radi detaljne analize i konstatovala da je ponuda ponuđača formalno-pravno, tehnički i računski ispravna i prihvatljiva za Naručioca. Za predmetnu javnu nabavku bila je predviđena e-aukcija, ali imajući u vidu da je zaprimljena samo jedna ponuda e-aukcija nije provedena.

Komisija je također konstatovala da je ponuđeni iznos veći od procijenjene vrijednosti nabavke za 5.994,00 KM. Shodno članu 10. stav (1) Pravilnika o nabavci roba, usluga i radova u Društvu, Uprava Društva nije dužna pribaviti saglasnost Nadzornog odbora, odnosno može sama donijeti odluku o prihvatanju predmetne ponude (s obzirom da je vrijednost panirane nabavke manja od 100.000,00 KM i da cijena prihvatljive ponude nije veća za više od 10.000,00 KM u odnosu na planiranu vrijednost nabavke). Stoga je Komisija predložila Upravi Društva da se predmetna ponuda prihvati, te da se ugovor dodijeli ovom ponuđaču.

Uprava Društva, na 61. (elektronskoj) sjednici održanoj dana 15.07.2022. god. razmotrila je dostavljeni izvještaj i preporuku Komisije, te je nakon uvida u cjelokupno provedeni postupak, preporuku i prihvatila.

Imajući u vidu naprijed navedeno, Uprava J.P. Međunarodni aerodrom "SARAJEVO" d.o.o. Sarajevo je, na osnovu člana 64., a u vezi sa članom 89. stav (3) Zakona o javnim nabavkama, te članom 21. stav (2) Pravilnika o nabavci roba, usluga i radova u Društvu, donijela Odluku kao u dispozitivu.

**POUKA O PRAVNOM LIJEKU:** Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa-Društva, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 5 (pet) dana od dana prijema Odluke.

**DIREKTOR**  
Alan Bajić

Prilog: Zapisnik o pregledu i ocjeni ponuda;

### DOSTAVLJENO:

1. Ponuđaču
2. Upravi Društva (orig.)
3. Sektoru za administrativnu podršku
  - Služba za komercijalne poslove (orig.);
  - Služba za pravne poslove i protokol;
4. Sektoru razvoja, tehnike i održavanja
5. a/a